

151/I-26
4. 3. 2026

**KOMISIJA ZA IZBOR U NAUČNO ZVANJE
VIŠI NAUČNI SARADNIK – DOKTOR SOCIOLOŠKIH NAUKA
Sarajevo, 4. mart 2026.**

**VIJEĆU- UNIVERZITETA U SARAJEVU – INSTITUT ZA ISTRAŽIVANJE
ZLOČINA PROTIV ČOVJEČNOSTI I MEĐUNARODNOG PRAVA**

PREDMET: *Izveštaj Komisije za pripremanje prijedloga za izbor u naučno zvanje viši naučni saradnik – doktor socioloških nauka – 1 izvršilac*

Na osnovi člana 29, stav 5. i 6. Zakona o naučnoistraživačkoj djelatnosti Kantona Sarajevo („Službene novine Kantona Sarajevo“, br. 26/16) i člana 93. Statuta Univerziteta u Sarajevu, Vijeće Univerziteta u Sarajevu – Instituta za istraživanje zločina protiv čovječnosti i međunarodnog prava na sjednici od 26. februara 2026. godine donijelo je Odluku (broj: 135-1/I-26) o formiranju i imenovanju Komisije za izbor u naučno zvanje – **viši naučni saradnik – doktor socioloških nauka – 1 izvršilac**, u sastavu:

- Dr. sc. Muamer Džananović, viši naučni saradnik, Univerzitet u Sarajevu – Institut za istraživanje zločina protiv čovječnosti i međunarodnog prava, predsjednik,
- Prof. dr. Sarina Bakić, Univerzitet u Sarajevu – Fakultet političkih nauka, član,
- Dr. sc. Amir Kliko, viši naučni saradnik, Univerzitet u Sarajevu – Institut za istraživanje zločina protiv čovječnosti i međunarodnog prava, član.

Na osnovu Odluke o saglasnosti Senata Univerziteta u Sarajevu, broj 01-4-12/26, od 28. januara 2026. godine, objavljen je konkurs za izbor u naučno zvanje “viši naučni saradnik – doktor socioloških nauka – 1 izvršilac” u dnevnom listu “Dnevni avaz” 31. januara 2026. godine i na web stranici Univerziteta u Sarajevu – Instituta za istraživanje zločina protiv čovječnosti i međunarodnog prava (u daljem tekstu: Institut). Komisiji je stavljeno u zadatak da u skladu sa članom 29. Zakona o naučnoistraživačkoj djelatnosti (“Službene novine Kantona Sarajevo“, br. 26/16) provede konkursnu proceduru izbora prema utvrđenim uslovima, razmotri pristigle prijave na konkurs, te sačini Izveštaj s prijedlogom za izbor u traženo naučno zvanje i dostavi ga Vijeću Instituta.

Komisija je zaprimila Potvrdu Odjela za opće i pravne poslove Instituta (broj: 120/I-26, od 17. februara 2026) o blagovremenosti i potpunosti jedne prijave (dr. sc. Hikmet Karčić) na Konkurs. Prijava na Konkurs je zaprimljena 11. februara 2026. (broj: 99/I-26).

Komisija je pregledala dokumentaciju i analizirala biografiju kandidata. Na konkurs kao jedini kandidat prijavio se **dr. sc. Hikmet Karčić**, doktor socioloških nauka i naučni saradnik Instituta. Dr. Karčić je uz pravovremenu prijavu priložio svu potrebnu dokumentaciju predviđenu Konkursom, odnosno zadovoljio minimalne uslove utvrđene u čl. 31. st. (1) tač. e) i čl. 32. st. (2) Zakona o naučnoistraživačkoj djelatnosti za izbor u naučno zvanje viši naučni saradnik.

Nakon pregleda i analize dostavljene dokumentacije, Komisija podnosi Vijeću Instituta sljedeći:

IZVJEŠTAJ

Biografski podaci

Hikmet Karčić rođen 20. januara 1988. godine u Sarajevu. Doktorski studij iz oblasti sociologije završio je 2018. godine na Fakultetu za umjetnost i društvene nauke Međunarodnog univerziteta u Sarajevu i stekao zvanje doktora nauka iz oblasti sociologije i politologije. Doktorska disertacija pod naslovom “Detention Camps as a Tool for Ethno-Religious Cleansing of non-Serbs in Bosnia and Herzegovina 1992–95“ bavi se analizom zatočeničkih logora kao instrumenta etno-religijskog “čišćenja“ tokom rata u Bosni i Hercegovini. Ranije je stekao zvanje magistra prava na Pravnom fakultetu Univerziteta u Sarajevu 2012. godine, gdje je odbranio magistarski rad o ulozi i značaju apelacija Doma za ljudska prava u procesu traženja nestalih osoba u Bosni i Hercegovini u periodu 1996–2003. Diplomirao je na Pravnom fakultetu Univerziteta u Sarajevu 2011. godine.

Od 2022. godine zaposlen je kao naučni saradnik na Institutu za istraživanje zločina protiv čovječnosti i međunarodnog prava Univerziteta u Sarajevu. Prethodno je, u periodu od 2015. do 2022. godine, radio kao viši naučni saradnik u Institutu za islamsku tradiciju Bošnjaka. Tokom svoje profesionalne karijere bio je angažovan i kao projektni koordinator projekta “Mapiranje logora u Bosni i Hercegovini 1992–95“ u okviru organizacije Transitional Justice, Accountability and Responsibility (2014), istraživač u Centru za napredne studije u Sarajevu (2013), te pripravnik u Institutu za nestale osobe Bosne i Hercegovine (2011–2012).

Dr. Karčić ima značajno međunarodno naučnoistraživačko iskustvo i razvijenu mrežu akademskih afilijacija, gdje su posebno značajne one koje su u uskoj vezi s osnovnom djelatnošću Instituta. Između ostalog, bio je član Operativne grupe za zapadni Balkan Međunarodnog republikanskog instituta (International Republican Institute - IRI), viši saradnik u Institutu za strategiju i politiku Newlines u Washingtonu (Newlines Institute for Strategy and Policy), eksterni istraživački saradnik Centra za holokaust, genocid i ljudska prava Univerziteta Sjeverne Karoline u Charlotteu (Center for Holocaust, Genocide and Human Rights Studies, University of North Carolina at Charlotte), te istraživački saradnik Centra za društvene i globalne studije Kraljevskog instituta za tehnologiju u Melbourneu, Australija (Social and Global Studies Centre, Royal Melbourne Institute of Technology - RMIT University). Također je bio globalni saradnik Aušvic instituta za mir i pomirenje pri Državnom koledžu Keene u Sjedinjenim Američkim Državama (Auschwitz Institute for Peace and Reconciliation - Keene State College), kao i postdoktorski istraživački saradnik u Leibniz Institutu za istočnoevropska i jugoistočnoevropska istraživanja pri Univerzitetu u Regensburgu, Njemačka (Leibniz Institute for East and Southeast European Studies - IOS, University of Regensburg). Ujedno završio je kurs na George C. Marshall European Center for Security Studies u Njemačkoj.

Dr. Hikmet Karčić je autor i koautor više naučnih publikacija iz oblasti studija genocida i savremene historije Bosne i Hercegovine. Među njegovim autorskim knjigama posebno se ističu "Torture, Humiliate, Kill: Inside the Bosnian Serb Camp System" (University of Michigan Press, 2022), kao i "Nastanak Republike Srpske: Od regionalizacije do strateških ciljeva 1991–1992 (I izdanje 2023; II izdanje 2025). Njegov istraživački rad fokusiran je na institucionalne mehanizme masovnog nasilja, logorske sisteme, pravne i sociološke aspekte zločina protiv čovječnosti, te procese sjećanja i odgovornosti u post-ratnim društvima.

KRATAK PRIKAZ OBJAVLJENIH KNJIGA I NAUČNIH RADOVA NAKON IZBORA U NAUČNO ZVANJE NAUČNI SARADNIK

Objavljene knjige

1. Dr. sc. Jasmin Medić, **dr. sc. Hikmet Karčić**, dr. sc. Muamer Džananović i dr. sc. Elvedin Mulagić. **POLITIKA REVIZIONIZMA: NEGIRANJE ZLOČINA I GENOCIDA U BOSNI I HERCEGOVINI 1992–2025. [POLITICS OF**

REVISIONISM: DENIAL OF CRIMES AND GENOCIDE IN BOSNIA AND HERZEGOVINA, 1992-2025], Univerzitet u Sarajevu – Institut za istraživanje zločina protiv čovječnosti i međunarodnog prava, 2025, 95. [Bosanski jezik: ISBN 978-9958-028-52-6; Engleski jezik: ISBN 978-9958-028-54-0]

Djelo *Politika revizionizma: negiranje zločina i genocida u Bosni i Hercegovini 1992–2025*. donosi pregled načina na koje se u poslijeratnom periodu osporavaju sudski utvrđene činjenice o ratnim zločinima i genocidu počinjenom u Bosni i Hercegovini. Autori, kroz četiri studije slučaja: Sarajevo, Prijedor, Srebrenicu i Tuzlu pokazuju kako negiranje nije sporadična pojava, već dio šireg političkog i društvenog procesa kroz koji se nastoji preoblikovati razumijevanje rata i njegovih posljedica. Kroz analizu javnog diskursa, institucionalnih praksi i političkih narativa, knjiga prati kontinuitet velikosrpskog institucionalnog revizionizma od kraja rata do 2025. godine i ukazuje na njegove konkretne implikacije od podrivanja pravde do dugoročnog uticaja na kulturu pamćenja i stabilnost društva. Ova studija, objavljena na bosanskom i engleskom jeziku u izdanju Instituta, predstavlja važan doprinos razumijevanju negiranja kao aktivnog političkog čina, a ne samo retoričke pozicije.

2. Dr. sc. Muamer Džananović, dr. sc. Jasmin Medić, dr. sc. Hikmet Karčić, **NASTANAK REPUBLIKE SRPSKE: OD REGIONALIZACIJE DO STRATEŠKIH CILJEVA (1991-1992)**, Univerzitet u Sarajevu - Institut za istraživanje zločina protiv čovječnosti i međunarodnog prava i Univerzitet u Sarajevu - Instituta za historiju 2025, 286. **(DRUGO IZDANJE)** [ISBN: 978-9958-028-51-9; COBISS.BH-ID: 64111622]

S obzirom na to da su i prvo (2023) i drugo (2025) izdanje knjige *Nastanak Republike Srpske: od regionalizacije do strateških ciljeva (1991–1992)*, autora dr. sc. Muamera Džananovića, dr. sc. Jasmina Medića i dr. sc. Hikmeta Karčića, objavljena u istom izbornom periodu kandidata, Komisija će detaljniji prikaz dati na osnovu prvog izdanja. Kada je riječ o drugom izdanju, autori su izvršili manji broj korekcija i dopuna, čime su dodatno unaprijedili i obogatili pojedine dijelove knjige.

3. Dr. sc. Muamer Džananović, dr. sc. Hikmet Karčić, dr. sc. Sead Turčalo i dr. sc. Emir Suljagić, **DEKODIRANJE AGRESIJE: VRHOVNI SAVET ODBRANE SAVEZNE REPUBLIKE JUGOSLAVIJE I RAT PROTIV REPUBLIKE BOSNE**

I HERCEGOVINE., Univerzitet u Sarajevu - Fakultet političkih nauka, Memorijalni centar Srebrenica, Univerzitet u Sarajevu - Institut za istraživanje zločina protiv čovječnosti i međunarodnog prava 2024, 559. [ISBN: 978-995-028-47-2; COBISS: 59392006]

Djelo *Dekodiranje agresije: Vrhovni savet odbrane Savezne Republike Jugoslavije i rat protiv Republike Bosne i Hercegovine* predstavlja analitički utemeljeno istraživanje uloge državnih struktura Savezne Republike Jugoslavije (SRJ) u planiranju, koordinaciji i podršci Agresije protiv Republike Bosne i Hercegovine.

U fokusu publikacije nalazi se djelovanje Vrhovnog savjeta odbrane SRJ kao ključnog političko-vojnog tijela kroz koje su artikulisane i operacionalizirane strateške odluke vezane za ratne operacije, kadrovsku politiku i logističku podršku paradržavnim snagama Republike srpske (RS) u Bosni i Hercegovini. Kroz sistematsku analizu stenograma sjednica, službenih zapisnika i prateće arhivske građe, autori ukazuju na postojanje kontinuirane institucionalne veze između zvaničnog Beograda i političkih vojnih struktura RS-a na prostoru Bosne i Hercegovine. Posebna pažnja posvećena je mehanizmima prikrivanja direktne umiješanosti, prije svega kroz djelovanje 30. kadrovske centra, koji je omogućavao formalno distanciranje, ali faktičku integraciju oficirskog kadra Vojske Jugoslavije u strukture Vojske RS. Time djelo otvara pitanje komandne odgovornosti i ukazuje na razliku između političkog diskursa o "neumiješanosti" i stvarnih institucionalnih praksi na terenu. Kontekstualizacijom odnosa između političkih elita u Beogradu i na Palama, autori dodatno rasvjetljavaju dinamiku unutar srpskih odnosa tokom rata, uključujući uticaj međunarodnih sankcija, ekonomskog sloma i promjena na ratištu na redefinisane strateških ciljeva.

4. Dr. sc. Muamer Džananović, Dr. sc. Jasmin Medić, dr. sc. Hikmet Karčić, **NASTANAK REPUBLIKE SRPSKE: OD REGIONALIZACIJE DO STRATEŠKIH CILJEVA (1991-1992)**, Univerzitet u Sarajevu - Institut za istraživanje zločina protiv čovječnosti i međunarodnog prava i Instituta za historiju, 2023, 268. [ISBN: 978-9958-028-43-4; COBBIS: 53942278]

Knjiga *Nastanak Republike srpske: od regionalizacije do strateških ciljeva (1991-1992)* autora dr. sc. Muamera Džananovića, dr. sc. Jasmina Medića i dr. sc. Hikmeta Karčića predstavlja temeljitu analizu političkih, institucionalnih i sigurnosnih procesa koji su doveli do formiranja RS u fazi raspada Jugoslavije. Fokusirajući se na period 1991-1992. godine, autori nastoje objasniti kako je ideja teritorijalne reorganizacije postupno evoluirala u projekt

stvaranja paralelne nezakonite političke strukture na tlu Bosne i Hercegovine koja je imala jasno definirane ciljeve i strategije.

Polazeći od procesa regionalizacije unutar Socijalističke Republike Bosne i Hercegovine autori pokazuju kako su političke inicijative koje su se u početku predstavljale kao administrativna ili ustavna rješenja zapravo bile dio šireg političkog projekta teritorijalnog razgraničenja. Autori detaljno analiziraju transformaciju srpskih autonomnih oblasti u politički i vojno strukturiran entitet, ukazujući na ulogu političkog rukovodstva, kriznih štabova i paralelnih institucija u tom procesu.

Posebna pažnja posvećena je proglašenju Srpske Republike Bosne i Hercegovine, odnosno RS, 9. januara 1992. godine u Sarajevu i usvajanju tzv. strateških ciljeva srpskog naroda u Bosni i Hercegovini 12. maja 1992. godine, koji su postali politički okvir za genocidno djelovanje paradržavnih struktura RS-a. Kroz analizu dokumenata, stenograma, političkih odluka i institucionalnih praksi, autori pokazuju da nastanak RS nije bio rezultat spontanosti ratnih okolnosti, već dugotrajnog i planski vođenog političkog procesa.

Metodološki, studija se oslanja na širok spektar izvora, uključujući arhivsku građu, političke deklaracije, zapisnike sa sjednica, kao i relevantnu sudsku dokumentaciju. Time autori povezuju političku historiju s kasnijim pravnim i institucionalnim razvojem, nudeći čitatelju uvid u kontinuitet između političkih odluka donesenih uoči rata i njihovih implikacija tokom agresije i počinjenih zločina.

Objavljeni naučni radovi:

1. **Hikmet Karčić, H. Halilovich, "Your Criminals and our Heroes: Failure to Deradicalize the War Criminals Sentenced by the Hague Tribunal"**, Global Extremism De-Radicalization Programmes and Policies, ur. Ahmad, H., Christie, K., Kampmark, B., Palgrave Macmillan, 2025, 35-51. https://doi.org/10.1007/978-3-031-83591-9_3

Rad analizira nasljeđe suđenja pred Međunarodnom krivičnom tribunalom za bivšu Jugoslaviju (ICTY) osnovanim 1993. godine s ciljem procesuiranja najtežih zločina počinjenih tokom ratova u bivšoj Jugoslaviji. Tribunal je do 2017. optužio više od 160 političkih i vojnih lidera za genocid, zločine protiv čovječnosti i kršenja međunarodnog humanitarnog prava, uz očekivanje šire društvene zajednice da će presude doprinijeti

izgradnji mira i ideološkoj deradikalizaciji. Međutim, iskustvo nakon izdržanih kazni pokazalo je suprotan efekat. Umjesto marginalizacije, mnogi osuđeni ratni zločinci poput Biljana Plavšić, Momčilo Krajišnik i Vojislav Šešelj dočekani su kao heroji među etničkim zajednicama kojima pripadaju. Presude protiv njih nisu delegitimirale ratne politike, već su često postale izvor političkog kapitala. Rad zaključuje da ICTY i širi sistem međunarodne pravde nisu uspjeli postići deradikalizaciju osuđenih pojedinaca niti diskreditirati njihove ratne ideologije. Naprotiv, glorifikacija osuđenih doprinijela je jačanju nacionalističkih narativa u regionu i posredno inspirisala ekstremističke pokrete i izvan njega.

2. **Hikmet Karčić, M. Dedović, "Collective Memory of War Crimes and Genocide in Bosnia and Herzegovina"**, u: *Shifting Paradigms: Three Decades after the Signing of the Dayton Peace Accords*, ur. Hamza Preljević i drugi, Springer Nature, 2025, 101-123.

Autori u ovom radu naglašavaju da očuvanje kolektivnog pamćenja o ratnim zločinima i genocidu u Republici Bosni i Hercegovini predstavlja temelj političke, društvene i pravne stabilnosti države. Posljedice agresije iz perioda 1992–1995. i danas snažno oblikuju bosanskohercegovačko društvo kroz demografske gubitke, ekonomsku devastaciju te narušene institucionalne i društvene odnose. Poseban izazov procesu izgradnje mira predstavljaju negiranje i historijski revizionizam, naročito u kontekstu genocida u i oko Srebrenice. Oспорavanje sudski utvrđenih činjenica produbljuje etničke podjele, otežava oporavak preživjelih i usporava izgradnju funkcionalnog, pluralnog društva. Takve narative dodatno podstiču političke elite u RS i Srbiji kroz instrumentalizaciju prošlosti u savremenim nacionalističkim politikama.

3. **Hikmet Karčić, B. Gerstein, "The United Nations General Assembly Resolution on Srebrenica and the Struggle Against Genocide Denial"** u *Comparative Southeast European Studies* 73 (1), Oldenbourg: De Gruyter, 2025, 3-35.
<https://doi.org/10.1515/soeu-2025-0001>

Ovaj rad objavljen u časopisu ranga Q1 analizira značaj usvajanja Rezolucije Generalne skupštine Ujedinjenih nacija A/RES/78/282, kojom je 11. juli proglašen Međunarodnim danom sjećanja i obilježavanja genocida u Srebrenici 1995. godine, kao važan korak u borbi protiv negiranja genocida i međunarodne afirmacije istine o počinjenom genocidu nad Bošnjacima. Istovremeno, autori ukazuje da je donošenje rezolucije izazvalo snažne političke reakcije i organizirani otpor aktera uključenih u dugogodišnje pokušaje revizije historije ratova

devedesetih godina. Rad kontekstualizira nastanak rezolucije unutar institucionalnog okvira Ujedinjenih nacija, te analizira šire geopolitičke i ideološke osnove negiranja genocida u Srebrenici kao sredstva savremenih nacionalističkih politika. Posebna pažnja posvećena je koordiniranoj kampanji političkih struktura iz Republike Srbije i bosanskohercegovačkog entiteta RS, koje su nastojale osporiti značaj rezolucije i instrumentalizirati njen sadržaj za jačanje revizionističkih narativa, delegitimizaciju međunarodnih institucija i mobilizaciju nacionalističkog diskursa.

4. **Hikmet Karčić, "Geografija zločina: prirodne jame funkciji masovnih zločina u Republici Bosni i Hercegovini 1992-1995"**, Prilozi Instituta za historiju Univerziteta u Sarajevu, br. 56, Sarajevo: Institut za historiju Univerziteta u Sarajevu, 2025, 453-488. ISSN: 2744-1172.

U ovom radu autor razmatra ulogu prirodnih jama u Bosni i Hercegovini kao mjesta masovnih zločina i skrivenih grobnica tokom rata 1992–1995. godine. Nastale geološkim procesima, ove jame su sistematski korištene za prikrivanje tragova zločina, o čemu svjedoče brojne ekshumacije provedene na više od pedeset lokacija širom zemlje, naročito u Bosanskoj krajini te istočnoj i južnoj Hercegovini. Primjeri poput Laništa kod Ključa, Bezdana kod Bihaća i Hrastove Glavice kod Sanskog Mosta potvrđuju organizirani karakter zločina i namjeru njihovog prikrivanja. Poslijeratne ekshumacije otkrile su stotine posmrtnih ostataka civila različite dobi i spola, dok je proces identifikacije dodatno otežan premještanjem tijela, degradacijom bioloških uzoraka i nedostatkom DNK podudarnosti. Istraživanje ukazuje da se jame, zbog načina izvršenja i skrivanja zločina, izdvajaju kao posebno brutalna i specifična mjesta zločina.

5. **Hikmet Karčić, "“Turkifiers Are Worse Than Turks”: The Racial Predicament of Bosniak Muslims"** u *The Routledge Handbook of Islam and Race*, ur. Abdullah Zain, London: Routledge Taylor and Francis Group, <https://doi.org/10.4324/9780429058875>, 2025, 225-240.

Ovaj rad analizira ideološke korijene antibošnjačke mržnje kroz djelo Petar II Petrović-Njegoš i njegov Gorski vijenac, u kojem se "islamizirani Slaveni" označavaju kao izdajnici vjere i naroda. Takva interpretacija postala je važan element dugotrajnog diskursa koji je opravdavao višestoljetnu diskriminaciju, progone i nasilje nad Bošnjacima. Rad pokazuje kako je ova ideološka matrica postepeno prihvaćena u širim političkim, vojnim i akademskim krugovima, posebno tokom rata 1992–1995. godine, kroz retoriku koja je Bošnjake

predstavljala kao prijatnu i "unutrašnje neprijatelje". Također se argumentira da je takva historijska i simbolička diskriminacija nadživjela lokalni kontekst te postalo inspiracija savremenim desničarskim i ekstremističkim pokretima na globalnom nivou.

6. **Hikmet Karčić**, Monica Hanson-Green, "**Remove Kebab**": **The Appeal of Serbian Nationalist Ideology among the Global Far Right.**" *Journal of Right-Wing Studies*, 2(1). Berkeley: University of California, <http://dx.doi.org/10.5070/RW3.1677> 2024, 16-43.

Ovaj članak analizira privlačnost srpske nacionalističke ideologije među savremenom krajnjom desnicom. Autori ukazuju da diskurzivno predstavljanje Bošnjaka kao Turaka, kao i srpski narativ koji rat u Bosni i Hercegovini tumači kao civilizacijski sukob između kršćanske Evrope i islama, snažno rezoniraju sa savremenim antimuslimanskim i ksenofobnim diskursima koji mobiliziraju desničarske ekstremiste širom svijeta. Kroz analizu srpskih i krajnje desničarskih narativa, rad pokazuje kako su obrasci predstavljanja korišteni za poticanje i opravdavanje nasilja nad Bošnjacima muslimanima tokom 1990-ih, te putem interneta, preneseni u udaljene dijelove svijeta, gdje se stapaju s drugim islamofobnim i rasističkim ideologijama te inspirišu novu generaciju ekstremizma, mržnje i nasilja.

7. Muamer Džananović, **Hikmet Karčić**, "**Invisible Suffering: The Roma Massacres in Bosnia and Herzegovina (1992-1995).**", u: *Roma in Central and Southeastern Europe: Navigating Muslim Identities, Challenges and Activism*, ur. Ivan Kostić, Selma Dizdarević Muhić, Belgrade : Institute for Philosophy and Social Theory, University ; Prag : Faculty of humanities, Charles University, 2024, 39-50.

U ovom radu autori ukazuju na često zanemarenu dimenziju istraživanja rata u Bosni i Hercegovini – zločini nad romskom populacijom. Dok se historiografski narativi uglavnom fokusiraju na Bošnjake, Srbe i Hrvate, iskustva Roma ostala su marginalizirana, uprkos činjenici da su Romi bili izloženi ratnim zločinima i kršenjima ljudskih prava. Podaci ukazuju na značajne zločine nad romskim stanovništvom u više općina, uključujući Prijedor, Zvornik i Bijeljina, čemu se autori detaljnije bave u radu. Rad naglašava potrebu za sistematskim priznavanjem zločina nad Romima kako bi se njihovo iskustvo uključilo u širi okvir kulture pamćenja, ali i osigurala adekvatna zaštita njihovih prava.

8. **Hikmet Karčić**, Mustafa Dedović, “**Sarajevski dnevnik o suđenju rukovodstvu Vakufske direkcije 1946. godine**”, Novi Muallim 25 (99), Sarajevo: Udruženje ilmijje BiH, 2024, 73-78. <https://doi.org/10.26340/muallim.v25i99.2111>

U ovom radu autori analiziraju sudski proces protiv dr. Hazima Muftića i njegovih saradnika optuženih za zloupotrebu položaja i oštećenje muslimanskih zakupaca vakufske imovine. Kroz izvještavanje Sarajevskog dnevnika razmatra se politički i ideološki kontekst djelovanja komunističkih vlasti nakon Drugog svjetskog rata u Jugoslaviji, usmjerenih ka potiskivanju religije i vjerskih institucija. Rad posebno ukazuje na upotrebu propagandnog diskursa i orijentalističke terminologije u oblikovanju negativne slike o optuženima, predstavljajući ih kao eksploatatore i saradnike okupatora. Istovremeno se problematizira stvarna pozadina pokretanja procesa, sugerirajući da je on bio dio šire strategije slabljenja vjerskih struktura i konsolidacije komunističke vlasti.

9. **Hikmet Karčić**, Mustafa Dedović, “**Tematiziranje ustaškog i četničkog pokreta u Bosanskim pogledima 1960-1967.**”, u: Zbornik radova: Bošnjaci u emigraciji: Adil Zulfikarpašić i nacionalno-politički vidokrug časopisa Bosanski pogledi, ur. Safet Bandžović, str. 127–135, Sarajevo: Fondacija Bošnjački institut Adil-beg Zulfikarpašić, 2024, 39-50.

U ovom radu autori analiziraju način na koji su ustaški i četnički pokret tematizirani u časopisu Bosanski pogledi u periodu od 1960. do 1967. godine, čiji je glavni urednik bio Adil Zulfikarpašić. Kao relevantan intelektualni forum emigrantske misli, časopis predstavlja vrijedan izvor za sagledavanje historijskih, socioloških i političkih interpretacija ovih pokreta. Kroz analizu objavljenih tekstova rad ispituje načine na koje su ustaški i četnički pokret kritički interpretirani u kontekstu Bosne i Hercegovine, s posebnim osvrtom na pitanja uloge Muslimana, njihove odnose i saradnje s različitim akterima, kao i na međunacionalne sukobe i političke napetosti reflektirane na stranicama časopisa. Posebna pažnja posvećena je različitim argumentima i interpretacijama koje časopis donosi o ulozi ovih pokreta u Drugom svjetskom ratu te dugoročnim posljedicama njihovog djelovanja. Time rad nastoji ukazati na složenost i višeslojnost ovih historijskih tema, doprinoseći dubljem razumijevanju političkih i društvenih dinamika kako u prošlosti tako i u savremenim raspravama o balkanskoj historiji.

10. **Hikmet Karčić**, Richard Newell, “**The Bosnian Genocide as the Cornerstone for Bosnian Studies**” u: Bosnian Studies: Perspectives from an Emerging Field, ur. Adna

Karamehić Oates, Dženeta Karabegović, Missouri: University of Missouri Press, 2023, 19-46.

U ovom radu naglašava se da svako savremeno proučavanje Bosne i Hercegovine mora polaziti od ratova 1990-ih, koji su presudno oblikovali kako međunarodnu percepciju zemlje, tako i njeno vlastito razumijevanje sebe. Globalna pažnja prema Bosni i Hercegovini započela je tokom raspada Jugoslavije, kada su strani novinari otkrili zločine nad Bošnjacima, uključujući koncentracione logore 1992. godine, što je potaknulo razvoj brojnih publikacija o ratnim zločinima. Iako su rani radovi često nastajali uz ograničenu regionalnu ekspertizu, vremenom se razvila značajna akademska literatura koja je doprinijela oblikovanju genocida u Bosni i Hercegovini kao posebnog istraživačkog polja. Ova tema postala je važan segment akademskih i obrazovnih programa, posebno u Sjevernoj Americi. Rad ističe da proučavanje genocida nad Bošnjacima predstavlja temelj razvoja "bosanskih studija" te da njegovo dalje istraživanje ostaje nužno u kontekstu poricanja, politiziranih narativa i nedovoljne akademske angažiranosti u dijelu Evrope. Produbljeno razumijevanje ovih događaja doprinosi i širem globalnom razumijevanju fenomena genocida, zaključuju autori.

11. **Hikmet Karčić, "Dehumanization and Organization: Steps in the preparation of genocide"**, *Bosnian Studies: Journal for Research of Bosnian Thought and Culture*, br. 7., Sarajevo: BKZ Preporod, 2023, 32-46. DOI 10.47999/bos.2023.7.1.32-46.

U ovom radu autor analizira kako je genocidna kampanja protiv Bošnjaka, započeta u proljeće 1992. godine, zahtijevala postojanje organizovanih institucija i struktura koje su zajednički provodile ovaj zločinački projekt. Posebna pažnja posvećena je uspostavi paralelnih političkih i upravnih struktura na lokalnom i regionalnom nivou uoči agresije na Republiku Bosnu i Hercegovinu, koje su djelovale i u sredinama gdje su Srbi činili većinu i tamo gdje su bili manjina. Kao ključni ideološki faktor povezan s izvršiocima genocida ističe se koncept "životnog prostora", prema kojem su oni koji se ne uklapaju u određeni rasni, vjerski ili ideološki okvir smatrani nepoželjnim. Rad također ukazuje na proces dehumanizacije muslimana koji je započeo još tokom 1980-ih kroz oživljavanje ranijih antimuslimanskih narativa i mitoloških obrazaca, te na formiranje autonomnih oblasti koje su 1992. godine poslužile kao temelj za uspostavu „srpske republike“ i realizaciju genocidnih planova.

12. **Hikmet Karčić**, "O višegradskoj rezoluciji 1941. godine", Novi Muallim, 23(92), Sarajevo: Udruženje ilmijje, 2023, 90–100.
<https://doi.org/10.26340/muallim.v23i92.1989>

U ovom radu autor analizira pitanje postojanja i značaja tzv. Višegradske rezolucije u širem kontekstu ratnog iskustva Bošnjaka tokom Drugog svjetskog rata. Polazeći od činjenice da je dosadašnja historiografija ovu temu uglavnom tretirala na osnovu sekundarnih izvora, rad nastoji preispitati postojeće navode kroz kritički pristup i oslanjanje na dostupnu izvornu građu. Posebna pažnja posvećena je političkim i sigurnosnim okolnostima koje su oblikovale djelovanje lokalnih muslimanskih predstavnika, kao i motivima koji su mogli dovesti do formuliranja ovakvog dokumenta. U tom smislu, rad ne samo da razmatra historiografske dileme u vezi s autentičnošću i funkcijom Višegradske rezolucije, nego i donosi njen integralni tekst, čime se otvara prostor za daljnju naučnu analizu i preciznije razumijevanje političkih stavova i strategija bošnjačkih aktera u ratnom periodu.

13. **Hikmet Karčić**, Muamer Džananović, "Kratka historija negiranja genocida nad Bošnjacima" u: Agresija na Republiku Bosnu i Hercegovinu: Opsada i odbrana Sarajeva - tri decenije poslije, ur. Zilha Mastalić Košuta, Univerzitet u Sarajevu – Institut za istraživanje zločina protiv čovječnosti i međunarodnog prava, 2023, 221-236.

U ovom radu autori razmatraju pitanje negiranja genocida počinjenog nad Bošnjacima, kao i prateći historijski revizionizam koji je posljednjih godina postao sve prisutnija tema u bosanskohercegovačkom društvu. Iako su izmjenama Krivičnog zakona Bosne i Hercegovine zabranjeni negiranje genocida i glorifikacija presuđenih ratnih zločinaca, takve prakse nisu prestale. Dok se savremena istraživanja uglavnom fokusiraju na aktuelne manifestacije negiranja, autori nastoje ponuditi historijski pregled ovog fenomena, koji traje još od početka agresije na Republiku Bosnu i Hercegovinu. Negiranje brojnih masovnih zločina, uključujući genocid u i oko Srebrenice 1995, ukazuje na postojanje institucionaliziranih oblika negiranja koji, različitim intenzitetom, traju već tri decenije.

14. Jasmin Medić, Muamer Džananović, **Hikmet Karčić**, "Disolucija SFRJ i stjecanje suverenog i nezavisnog državno-pravnog statusa Republike Bosne i Hercegovine", u: Historija Bosne i Hercegovine, Tom VI: Bosna i Hercegovina u XX stoljeću, ur. Dženita Sarač Rujanac i Jasmin Medić, Univerzitet u Sarajevu – Institut za historiju, Sarajevo, 2023, 165–183.

U ovom radu daje se pregled političkih procesa koji su pratili disoluciju SFRJ i put Bosne i Hercegovine ka stjecanju suverenog i nezavisnog državno-pravnog statusa početkom 1990-ih godina. Rad ukazuje na kompleksnost političkih odluka i dinamiku sukobljenih nacionalnih projekata koji su prethodili međunarodnom priznanju Bosne i Hercegovine kao nezavisne države.

15. Jasmin Medić, Muamer Džananović, **Hikmet Karčić**, "Ratni zločini i genocid u Bosni i Hercegovini 1992–1995.", u: *Historija Bosne i Hercegovine*, Tom VI: Bosna i Hercegovina u XX stoljeću, ur. Dženita Sarač Rujanac i Jasmin Medić, Univerzitet u Sarajevu – Institut za historiju, Sarajevo, 2023, 218–249.

U ovom radu analizira se politički i vojni okvir u kojem su planirani i izvršeni ratni zločini nad Bošnjacima i Hrvatima tokom agresije na Republiku Bosnu i Hercegovinu 1992–1995. godine. Poseban fokus stavljen je na Šest strateških ciljeva koje je 12. maja 1992. godine iznijelo rukovodstvo samoproglashene Srpske republike Bosne i Hercegovine, a koji su predstavljali osnovu za teritorijalno razdvajanje, etničko preuređenje prostora i stvaranje političko-teritorijalne cjeline pod srpskom kontrolom. Rad pokazuje da su ti ciljevi podrazumijevali uspostavljanje teritorijalnih koridora, eliminaciju granica na Drini, podjelu Sarajeva te izlaz na more, pri čemu je njihova realizacija zahtijevala sistematsko nasilje nad nesrpskim stanovništvom. Već u ranim fazama rata započeta je institucionalna i vojna implementacija ovih planova kroz djelovanje JNA, lokalnih srpskih političkih struktura, policije i paravojnih formacija, uz podršku iz Srbije. Na primjeru istočne Bosne detaljno se prikazuje obrazac izvršenja zločina: zauzimanje teritorija, razoružavanje i marginalizacija Bošnjaka i Hrvata, masovna hapšenja, formiranje logora, ubistva, progoni i uništavanje imovine. Gradovi poput Bijeljine, Zvornika, Bratunca, Foče i Višegrada postali su mjesta sistematskog nasilja, koje je imalo za cilj trajno uklanjanje nesrpskog stanovništva. Slični obrasci primijenjeni su i u istočnoj Hercegovini te sjevernoj Bosni, gdje su kroz koordinirano djelovanje vojnih i političkih struktura provedeni progoni, zatočenja i ubistva civila. Rad zaključuje da su zločini počinjeni širom Bosne i Hercegovine bili dio šireg, unaprijed osmišljenog plana etničkog preoblikovanja teritorije, čija realizacija nije napuštena do kraja rata.

ZAVRŠENI NAUČNI PROJEKTI:

1. **Voditelj naučnoistraživačkog projekta:** „Topografija zločina: prirodne jame, špilje, pećine i stijene kao masovne grobnice“, Institut za istraživanje zločina protiv čovječnosti i međunarodnog prava Univerziteta u Sarajevu, 2023-2025.
2. **Voditelj istraživačkog projekta:** “Vrhovni savjet odbrane SRJ – uloga Srbije u ratovima 1990-ih“, Fakultet političkih nauka Univerziteta u Sarajevu, 2023-2024.
3. **Konsultant na naučno-istraživačkog projektu:** “Izgradnja dugotrajnog mira u Bosni i Hercegovini: investiranje u budućnost“, Memorijalni centar Srebrenica–Potočari. 2025.

POJEDINAUČEŠĆE NA KONFERENCIJAMA I NAUČNIM SKUPOVIMA:

2025

1. „**30 godina nakon genocida u Srebrenici: sjećanje, učenje i opomena za budućnost**“, Volkshochschule Frankfurt i Islamska zajednica Bošnjaka u Njemačkoj, Frankfurt, 14. novembar 2025.
2. “**Bosnia and the Transatlantic Far Right**”, Trinity University, San Antonio, Sjedinjene Američke Države, 6. novembar 2025.
3. “**The Roots of the Bosnian Genocide**”, Trinity University, San Antonio, Sjedinjene Američke Države, 3. novembar 2025.
4. “**Srebrenica Dialogue Process Conference**”, Memorijalni centar Srebrenica, Potočari, 29. oktobar 2025.
5. “**War, Genocide, and Post-Conflict Governance in Bosnia and Herzegovina**”, Center for International Experiential Learning (California, SAD), Fakultet političkih nauka Univerziteta u Sarajevu, 22. oktobar 2025.
6. “**Wartime Violence Across Generations in Bosnia and Herzegovina**”, Univerzitet u Hamburgu (uz podršku Deutsche Forschungsgemeinschaft), Sarajevo, 18. septembar 2025.
7. „**Omarska i Keraterm – mjesta užasa i zločina**“, Organizacioni odbor za obilježavanje 20. jula – Dana sjećanja na teške ratne zločine s elementima genocida u Prijedoru i dolini Sane i Institut za istraživanje zločina protiv čovječnosti i međunarodnog prava, Sarajevo, 16. juli 2025.
8. **Voditelj radionice “Genocide Denial: History, Tactics and Response”**, Institut za istraživanje zločina protiv čovječnosti i međunarodnog prava UNSA, Studentski parlament UNSA i Genocide Studies Program Yale University, Sarajevo, 4. juli 2025.
9. „**Srebrenica – 30 godina od genocida: kontinuitet zločina, negiranja i nestali**“, Institut za istraživanje zločina protiv čovječnosti i međunarodnog prava UNSA i Fondacija Alija Izetbegović, Sarajevo, 4. juli 2025.
10. „**Srebrenica – 30 godina poslije genocida: sjećanje, odgovornost i izazovi negiranja**“, Univerzitet u Sarajevu, Sarajevo, 1–3. juli 2025.

11. **"The World Remembers Srebrenica"**, Uprava za vanjske poslove i dijasporu Rijaseta IZ u BiH, Islamska zajednica Bošnjaka u Finskoj i Udruženje Behar, Helsinki, 3. juni 2025.
12. **"The World Remembers Srebrenica"**, Uprava za vanjske poslove i dijasporu Rijaseta IZ u BiH, IZ Bošnjaka u Danskoj, BKC Kopenhagen, Ambasada BiH u Danskoj i BUK, Store Sal, Kopenhagen, 2. juni 2025.
13. **"The World Remembers Srebrenica"**, Uprava za vanjske poslove i dijasporu Rijaseta IZ u BiH i IZ Bošnjaka u Švedskoj, Stockholm, 31. maj 2025.
14. **„Tuzlanska kapija – 30 godina poslije“**, Univerzitet u Tuzli i Univerzitet u Sarajevu – Institut za istraživanje zločina protiv čovječnosti i međunarodnog prava, Tuzla, 24. maj 2025.
15. **"Commemorating 30 Years Since the Genocide of Srebrenica: Navigating Nationalism and Post-Conflict Memory"**, Université libre de Bruxelles (ULB), Brisel, 22. maj 2025.
16. **"Srebrenica and the Dayton Agreement at 30: From Genocide to Peacebuilding and the Persistence of Political Gridlock – What Lies Ahead?"**, Univerzitet u Luksemburgu, Luksemburg, 21. maj 2025.
17. **"Commemorating Srebrenica: Rethinking the Dayton Agreement"**, Univerzitet u Luksemburgu, Luksemburg, 20. maj 2025.
18. **"Yugoslav Wars and the Post-Yugoslav Space Thirty Years After: Between History, Memory and Law"**, NIOD Institute for War, Holocaust and Genocide Studies; NSCR; Vrije Universiteit Amsterdam; Innovation Center of the Institute for Contemporary History, Beograd, 29–30. april 2025.
19. **"The Roots of the Bosnian Genocide"**, Manhattan University, New York, Sjedinjene Američke Države, 11. april 2025.
20. **"The Roots of the Bosnian Genocide"**, Manhattan University, New York, Sjedinjene Američke Države, 10. april 2025.
21. **"Atrocity Prevention Workshop"**, Dodd Center for Human Rights, University of Connecticut, Sjedinjene Američke Države, 3-4. april 2025.
22. **"Pits as Mass Graves"**, Dodd Center for Human Rights, University of Connecticut, San Antonio, Sjedinjene Američke Države, 5-6. april 2025.
23. **„Instrumentalizacija i politizacija nacionalnih prava: Deklaracija ‘Svesrpskog sabora’ kao kontinuitet velikodržavne politike“**, Institut za istraživanje zločina protiv čovječnosti i međunarodnog prava, Sarajevo, 9. januar 2025.

2024

24. **"Ethnicity and Genocide: Policy Guidance for Prevention"**, Kigali Genocide Memorial, Aegis Trust, OSAPG UN, IRMCT i UN Peace and Development Fund, Kigali, Ruanda, 8-9. novembar 2024.
25. **"The Legacy of the Holocaust in Shaping Sustainable Atrocity Prevention Agendas"**, Britanska ambasada u Bukureštu i Auschwitz Institute, Bukurešt, 30. oktobar 2024.
26. **„Političko nasilje: povijesni konteksti i savremeni izazovi“**, Institut za istraživanje zločina protiv čovječnosti i međunarodnog prava UNSA i Univerzitet u Oxfordu, Sarajevo, 25–26. oktobar 2024.
27. **"Deadly Despots"**, Calleva ekspertska radionica, Magdalen College, University of Oxford, Oxford, 3-4. septembar 2024.

28. "Why Remember?", UAL – London College of Communication, Manhattan College i UNSA – Institut za istraživanje zločina protiv čovječnosti i međunarodnog prava, Sarajevo, 12-15. juli 2024.
29. „Zajedno protiv zaborava: komemorativni skup povodom 29. godišnjice genocida u Srebrenici“, Luksemburg, Odbor za Srebrenicu, Luksemburg, 2. juli 2024.
30. „Dekodiranje UN rezolucije o genocidu u Srebrenici: implikacije, naučene lekcije i perspektive za budućnost“, Univerzitet u Luksemburgu, Luksemburg, 1. juli 2024.
31. "The World Remembers Srebrenica: Lessons from the Genocide in Europe", Heaterzaal Ledeborg, Gent, Belgija, 28. juni 2024.
32. "Concentration Camps as Instruments of Terror: From Bosnia to Syria", SPIU25, NIOD Institute for War, Holocaust and Genocide Studies, Nizozemska, 26. april 2024.

2023

33. "International Interdisciplinary Conference on Language, Violence and the Search for Peace in Eastern and South-Eastern Europe", Univerzitet u Beču i Univerzitet u Bernu, Beč, 17-18. novembar 2023.
34. "Contesting Identities of Roma and Muslims in Central and Southeastern Europe", Institut za filozofiju i društvenu teoriju (Beograd), Karlov univerzitet u Pragu i Centar za napredne studije, 2-3. novembar 2023.
35. „Rat i mir: 106. godišnjica džamije u Logu pod Mangartom“, Muzej Kobarid, Put mira i Averroes, Kobarid, Slovenija, 24. oktobar 2023.
36. „Krajnje desničarski pokreti i simbolika kao sigurnosni izazovi u Bosni i Hercegovini“, Komisija za sigurnost Parlamenta FBiH i International Republican Institute, Sarajevo, 23. oktobar 2023.
37. "Ghosts of the Past: Detention Camps and Memory in Bosnia and Herzegovina", Univerzitet u Grazu, Austrija, 4. oktobar 2023.
38. „Historijski revizionizam, negiranja genocida i ratnih zločina i govor mržnje na internetu“, Forum za upravljanje internetom, Sarajevo, 2. oktobar 2023.
39. "Roots of the Bosnian Genocide", CNS Summer School *Islam in the Contemporary World*, Sarajevo, 15. august 2023.
40. "Trials during Wartime: War Crimes Cases during the Bosnian War 1992–1995", International Association of Genocide Scholars, Univerzitet u Barceloni, Španija, 9-13. juli 2023.
41. "Why Remember? Tracing the Past", Peace and Conflict Culture Network i University of the Arts London, Sarajevo, 7-9. juli 2023.
42. "The Transnational History and Memory of World War II Crimes...", Universität Regensburg, Njemačka, 13. maj 2023.
43. "The Journey of the Sarajevo Haggadah", Teachers College, Columbia University, New York, 20. mart 2023.
44. "Roots of the Bosnian Genocide", Strassler Center for Holocaust and Genocide Studies, Clark University, 16. mart 2023.
45. „Holokaust u jugoistočnoj Evropi“, Dan sjećanja na žrtve Holokausta, Univerzitet u Sarajevu, 26. januar 2023.
46. „9. januar – put u genocid“, Arhiv Federacije BiH i Narodno pozorište Sarajevo, Sarajevo, 9. januar 2023.

Uredništva i recenzije naučnih djela

1. **Urednik knjige:** Muamer Džananović, Elvedin Mulagić, *Zvornik 1992–1995: Genocid na kapiji Bosne (Tom 1, Tom 2)*, Univerzitet u Sarajevu - Institut za istraživanje zločina protiv čovječnosti i međunarodnog prava, Sarajevo, 2025.
2. **Recenzent knjige:** Almir Grabovica, *Tragovi genocida: Grapska 1992-1995.*, Univerzitet u Sarajevu - Institut za istraživanje zločina protiv čovječnosti i međunarodnog prava, Sarajevo, 2025.
3. **Urednik knjige:** Merisa Karović – Babić, *Sigurnosne zone Ujedinjenih nacija u Bosni i Hercegovini: Prijedlozi, motivi i ideje tokom 1992.*, Univerzitet u Sarajevu - Institut za istraživanje zločina protiv čovječnosti i međunarodnog prava, Sarajevo, 2024.
4. **Recenzent radova za časopise:** *Journal of Balkan Studies, Comparative Southeast European Studies, Leiden Journal of International Law, Journal of Right-Wing Studies, East Europe Holocaust Studies, Politics & Religion, Journal of Genocide Research.*

Stručno usavršavanje:

1. **George C. Marshall European Center for Security Studies**, (George C. Marshall Evropski centar za sigurnosne studije), Garmisch-Partenkirchen, Njemačka. 28.1.- 6. 2. 2025.
2. **Leibniz Institut für Ost and Südosteuropaforschung** (Institut za istočne i jugoistočne studije) Univerzitet Regensburg, Njemačka, 1-31. maj 2023.

Mentorstva:

1. Angažman u svojstvu eksternog mentora za master rada kandidata **Irfana Koraća** pod naslovom "Commemorating Srebrenica in Luxembourg: Memory, Identity, Religion", realizovanog na **University of Luxembourg**, Veliko Vojvodstvo Luksemburg (glavni mentor: dr. Gerben Zaagsma), 2024-2026.
2. Angažman u svojstvu eksternog mentora doktorandice **Noe Krikler** na disertaciji "Burials, Borders, Boundaries: The Cemetery and Frictional Encounters over Nationhood in Bosnia and Herzegovina", **London School of Economics and Political Science**, Velika Britanija (mentorice: dr. Denisa Kostovicova i dr. Jennifer Jackson-Preece), 2024.
3. Angažman u svojstvu eksternog mentora za master rada kandidata **Juha Pitkänena** pod nazivom "Forging Collective Memory in Conflicted Spaces – The Case of the Bosnian Genocide in Foča", **University of Helsinki**, Finska, 2024.

4. Članstvo u komisiji za ocjenu i odbranu doktorske disertacije kandidatkinje **Amine Hadžiomerović**, "Long-Distance Mourning for the Missing: Gaps, Absences and Silences in Two Diaspora Contexts", **Royal Melbourne Institute of Technology** (RMIT University), Australija, 2023.

Ostale aktivnosti:

- Član redakcije *Godišnjaka* Instituta za istraživanje zločina protiv čovječnosti i međunarodnog prava Univerziteta u Sarajevu.
- Član komisije za implementaciju UN Rezolucije o genocidu u Srebrenici od strane kabineta člana Predsjedništva Bosne i Hercegovine dr. Denisa Bećirevića.
- Član Odbora za dijalog Memorijalnog centra Srebrenica.
- Član Savjetodavnog odbora, Srebrenica and the ICTY, University of Connecticut, Gladstein Family Human Rights Institute, <https://humanrights.uconn.edu/icty-digital-archive/srebrenica-1995-2025/>.

KONAČNO MIŠLJENJE I PRIJEDLOG KOMISIJE:


Dr. sc. Hikmet Karčić je svojim dosadašnjim naučnoistraživačkim radom, kao i rezultatima prezentiranim u ovom Izvještaju, potvrdio status afirmiranog naučnika koji kontinuirano ostvaruje mjerljive i zapažene rezultate, uz jasno uočljiv profesionalni napredak u oblastima koje su neposredno povezane s djelokrugom rada Instituta. Njegov rad odlikuju sistematičnost, tematska fokusiranost i metodološka dosljednost, što se ogleda u uspješnoj realizaciji naučnih projekata, objavljivanju relevantnih stručnih i naučnih publikacija, kao i u dosljednoj afirmaciji istraživačkih tema iz oblasti zločina protiv čovječnosti i međunarodnog prava, kako u domaćem tako i u međunarodnom akademskom kontekstu.


Kroz institucionalni angažman, dr. Karčić je dao značajan doprinos unapređenju naučne vidljivosti i jačanju međunarodne pozicije Instituta. Njegov istraživački opus, kao i aktivno učešće na projektima, konferencijama i drugim naučnim forumima, doprinijeli su dodatnom učvršćivanju ugleda i prepoznatljivosti Instituta kao relevantne i kredibilne naučne ustanove.

Komisija konstatuje da rad dr. Karčića ima višestruki značaj: doprinosi razvoju naučne discipline u predmetnoj oblasti, ali istovremeno jača institucionalne kapacitete, međunarodnu saradnju i stratešku poziciju Instituta u savremenom akademskom prostoru.

Na osnovu svega navedenog Komisija sa zadovoljstvom konstatira da kandidat dr. sc. Hikmet Karčić u potpunosti zadovoljava sve definirane kriterije i potrebne uslove za izbor u naučno zvanje "viši naučni saradnik – doktor socioloških nauka", te predlaže Vijeću Univerziteta u Sarajevu – Instituta za istraživanje zločina protiv čovječnosti i međunarodnog prava da prihvati njen Izvještaj i izvrši izbor kandidata.

Komisija:


Dr. sc. Muamer Džananović, predsjednik


Prof. dr. Sarina Bakić, član


Dr. sc. Amir Kliko, član